

# Hopola, Se Lebale



## SABATHA MANTSIBOEA

**Bakeng Sa Thuto ea Beke ena Bala:** *Gen. 9:8–17; Deut. 4:32–39; Tsen. 14:12; Deut. 4:9, 23; Deut. 6:7; Deut. 8:7–18; Baef. 2:8–13.*

**Temana ea Khopolo:** “Hopola, u se lebale, kamoo u halefisitseng Jehova, Molimo oa hau kateng feelleng lena; ho qala ka letsatsi leo u tsoileng lefatšeng la Egepeta ka lona ho tliša ho leo le fihlileng ka lona sebakeng sena, le ’nile la ikhantšetsa Jehova” (*Deuteronomy 9:7*).

**M**antsoe a mabeli a hlaha hohle ka Bibeleng: *hopola* le *lebala*. Mantsoe ana a mabeli a buoa ka ntho eo eleng motho, ntho e etsahalang ka likelellong tsa rona. Ka bobeli ke maetsi, ’me a ea hanana: ho *hopola* ke ho se lebale, ho *lebala* ke ho se hopole.

Molimo o lutse a bolella batho ba hae ho hopola lintho tsohle tseo a ba etselitseng tsona; ho hopola mohau le botle ba hae ho bona. Ka hona, boholo ba Testamente ea Khale bo mabapi le baporofeta bao ba bolellang batho, sechaba sa Baheberu, hore se se lebale seo Morena a se etselitseng sona. Empa hape, taba e kholo-kholo, ba ne ba sa lokele ho lebala seo Molimo a ba bitselitseng sona le hore na ba ne ba tlameha ho ba batho ba joang, ele karabo ea pitso eo.

“Empa ke tla hopola liketso tsa Jehova, ke ellelloe meeka ea hao ea boholo-holo” (*Lipe. 77:11*).

Na ho fapane le ho rona kajeno, re le sehlopha, hape re le batho ka bo mong? Ho bonolo hakae ho lebala seo Morena a re etselitseng sona!

Bekeng ena, joalokaha ho bontšitsoe ho Deuteronomy, re tla shebanang le tšiea ea bohlokoa, ea ho hopola eseng ho lebala kabelo ea Molimo maphelong a rona.

*\*Ithute Thuto ea Beke ena Ho Lokisetsa Sabatha sa la, 4 Tšitoe.*

## Hopola Mookoli

Lentsoe “hopola” le hlaha ka Bibeleng khetlo la pele ho Genese 9, moo—kamora morolloa oa lefatše kaofela, Jehova a boleletseng Noe hore o tla beha mookoli marung e le letšoao la selekane sa hae le lefatše lohle, sa hore a keke a hlola timetsa lefatše ka moroallo.

**Bala** Genese 9:8–17. Lentsoe “hopola” le sebelisoa joang moo, ’me ke sefe seo re ka ithutang sona tšebelising ea lona malebana le kamoo reka hopolang seo Morena a re etselitseng sona?

E, Molimo h’a hloke mookoli hore a hopole tšepiso ea hae le selekane sa hae. O mpa a buile ka puo eo batho ba e utloisisang. Ebang ho na le eng kapa eng, mookoli o bakeng sa rona, batho, ho re hopotsa tšepiso ea Molimo le selekane sa hae sa hore a ke eke a boela a senya lefatše ka metsi. Ka mantsoe a mang, mookoli o ne o tla hopotsa batho ka tšepiso e ikhethang eo Morena a e entseng; nako eohle ha mookolim o hlaha, batho ba Molimo ba ne ba tla hopola, eseng kahlolo ea Molimo holima lefatše feela, empa le lerato la hae holima lefatše le tšepiso ea hae ea ho se le tlatse metsi hape.

Ka hona, mona re bona bohlokoa ba taba ea ho hopola: ho hopola litšepiso tsa Molimo, ho hopola litlhokomeliso tsa Molimo, ho hopola ketso ea Molimo lefatšeng.

Mookoli o leholimong e ba bohlokoa ho feta kajeno kaha, o thehiloe holima ntšetso pele ea melao ea tlhaho, bongata ba Rabosaense bo hanana le taba ea hore ho bile le moroallo oa ka lefatše lohle. Ho thahasellisa ha kakang hore e be Ellen G. White o ngotse hore pele ho moroallo, batho ba bangata ba ne ba lumela joalo, ba lumela hore melao ea tlhaho e hanana le khonahalo ea moroallo oa lefatše lohle. O re bahlalefi ba ile ba etsa khang ea hore melao “ea tlhaho e tsetsitse hona hoo le Molimo a ke keng a kena-kenana le eona.”—*Patriarchs and Prophets*, Leq. 97. Joale, pele ho moroallo, batho ba ile ba etsa khang, ba ipapisitse le melao ea tlhaho, hore ntho’e joalo ha e-soka e etsahala.

Leha ho le joalo, Molimo o re boleletse ka moroallo lentsoeng la hae a ba a fa lefatše letšoao, eseng la moroallo feela, empa la tšepiso ea hae ea hore a keke a hlola a tlisa o mong hape. Ka hona ebang re hopola se boleloang ke mookoli, re ka ba le tiisetso, e ngotsoeng hohle sebakeng ka mebala e metle ena, hore lentsoe la Molimo ke ’nete. ’Me haeba re ka tšepa lentsoe la hae tšepisong ena, hobaneng re keke ra tšepa lentsoe la hae nthong tsohle tseo a re bolellang tsona?

**Nakong e tlang ha u bona mookoli, nahana ka litšepiso tsa Molimo. Ke joang re ka ithutang ho tšepa litšepiso tseo kaofela?**

## Malebana le Matsasti a Fetileng

Ho Deuteronoma 4, re balile likhalemelo tse ntle tseo Jehova a li fileng batho ba hae ka Moshe malebana le menyetla e meholo eo ba nang le eona joaloka batho ba Molimo ba khethiloeng. O ne a ba lopolotse Egepeta “ka meloko, le ka lipontšo, le ka lipontšo, le ka mehlolo, le ka nto, le ka letsoho le matla, le ka letsoho le otlohohileng, le ka matsoho a maholo, le ka matsoho a maholo, joalokaha Molimo oa lona a le etselitse tsohle tse joalo Egepeta, pel’a mahlo a lona na?” (Deut. 4:34). Ka mantsoe a mang, ha se hore feela Molimo o le etselitse ntho tse kholo feela, o li entse ka tsela tseo tse ka u thusang ho hopola, u se lebale, ntho tse kholo tseo a u etselitseng tsona.

**Bala** Deuteronoma 4:32–39. Ke sefe seo Morena a neng a ba bolella ho hopola, ’me hobaneng ho ne ho le bohlokoa hore ba hopole ntho tsee?

---

Moshe o supisa batho morao nalaneng eohle, le tlhohelong ka bo eona, e be o oa ba botsa, potso seikarabi, ebang hona le ntho e tsoanang le ena eo ba e etselitsong e kileng ea etsahala nalaneng eohle. Haele hantle, o re ba botse; ke hore, hore ba ipatlele ka bo bona, hore na ntho e joalo e se e kile ea etsahala nalaneng. Ka ho ba botsa lipotso tse ’maloa, Moshe o ne a leka ho etsa hore ba bone seo Molimo a ba etselitseng sona, ’me ka hona, qetellong, ba itumela le ho leboha Molimo ha kaakang ka liketso tsa hae tse matla maphelong a bona.

Khuhu ea liketso tsena e n’e le topollo Egepeta, ’me joale, mohlomong ka tsela tse ling tse makatsang ho feta, Ho buoa le bona Sinai, eleng se ba lumellang ho utloa “Mantsoe ea Molimo hara mollo.”

**Bala** Deuteronoma 4:40. Ke qeto efe, joale, eo Moshe a neng a batla hore batho ba e utloe mantsoeng aa malebana le seo Molimo a ba etselitseng sona?

---

Jehova h’a ka a etsa ntho tsena tsohle ntle le lebaka. O ne a pholositse batho ba hae, a boloka karolo ea hae ea selekane seo a neng a se thakhotse le bona. Ba ne ba lokolotsoe ho tsoa Egepeta, ba le mathuleng a ho kena Lefatše la Pallo. Molimo o ne a entse karolo ea hae; joale ba ne ba bitsetsoa ho etsa ea bona, e neng e le bonolo feela, ho mamela.

**Ke joang moralo oo o bontšang leano la topollo jolokaha le Testamenteng e Ncha? Jesu o entseng bakeng sa rona, ’me re ka arabela seo a re etselitseng sona joang? (Sheba Tsen. 14:12.)**

## Hlokomela . . . U se Lebale

**Bala** Deuteronoma 4:9, 23. Ke sefe seo Jehova a ba bolellang ho se etsa moo, 'me ke hobaneng ha temoso ee e le bohlokoa bakeng sa sechaba?

---



---

Likutu-ketso tse peli li nka karolo e kholo e bulang litemana tsena: “hlokomela” le “lebala.” Seo Morena a se chong ho bona ke hore: *hlokomela hore u se lebale*. Se lebale seo Morena a u etselitseng sona le selekane seo a se entseng le uena.

Kutu-ketso “hlokomela,” smr (e boetseng e sebelisoa ka sebopeho se fapaneng ho Deuteronoma 4:9, e tolokiloeng, “qoba”), e hlaha hohle Testamenteng ea Khale 'me e bolela ho “boloka” “ho lebela,” “ho sireletsa.” Se thahasellisang ho feta, khetlo la pele ha e hlaha ka Bibeleng ke pele ho sebe, nakong eo Jehova a neng a bolella Adama ho “lebela” serapa seo a neng a mo file eona (*Gen. 2:15*).

Joale, leha Jehova a bolella batho, motho ka mong, (kutu-ketso e bonngoeng), hore ba itebele, esere mohlaope ba leba. Taba ha se ho “lebala” hoa ho lahlehelo ke kelello (leha kamora nako le melokong e mecha) empa e buoa ka ho se tsotelle litebello tsa bona selekaneng. Ke hore, ba ne ba lokela ho itseba hore na hantle ke bo mang, le hore na seo se ne se bolelang malebana le kamoo ba neng ba tlameha ho phela kateng pela Molimo, ka pela Baheberu ba bang, le ka pela licha tse ba potileng.

**Bala** Deuteronoma 4:9 hape (*sheba le Deut. 6:7 le Deut. 11:19*), empa tsepamisa maikutlo karolong ea ho qetela, e malebana le ho li ruta bana ba bona le litloholo tsa bona. Taba e na tla ba thusa ho se lebale joang?

---



---

Ha se ntho e etsahetseng ka tšohanyetso hore e be hang kamora Moshe a ba bolelle hore ba se lebale, ho se lumelle ntho tsena “ho tsoa ka pelong” o ba bolella ho ruta meloko e tlang ntho tsena, empa, mohlomong sa bohlokoa ka ho fetisisa, ka ho lula ba pheta pheta lipale tsa ntho tseo Jeehova a ba etselitseng tsona, ka mokhoa o joalo, batho ba keke ba li lebala. Ka hona, tsela e ntle ho feta ee ea ho boloka tsebo ea seo Jehova a se etselitseng sechaba sa hae se khethiloeng ke efe?

**Ke joang ho bolelleng ba bang maiphihlelo a hao ka Morena e sa thusang ba bang feela, empa le uena? Ke joang ho ho pheta tseo Molimo a u etselitseng tsona ho u thusitseng ho se lebale tataiso ea hae?**

## Ha U Jele u khotše

E mong oa baetapele ba kereke, ea sebelitseng General Conference of Seventh-day Adventists® lemo tse 34, o kile a pheta pale ea kamoo lilemong tse nagata tse fetileng, kamora hore eena le mofumahali oa hae ba theohe sefofaneng, ba elelloa hore ba lahlile thoto. “Ka eona nako eo,” a rialo, “kapela lebanta le tsamaisang mekotla le pela batho, ra khumama ka mangole ra rapela, re kopa Morena hore re fumane thoto ea rona e lahlehleng.” A tsoela pele a re lilemo-lemo kamora moo, seo sa etsahala hape: ba fihla bo-e-ma fofaneng, empa thoto eona che. A pheta se ileng sa etsahala kamora moo. “Se khathatsehe” a bolella mohats’ae, “inshoreense e tla lefa.”

**U behile pale ena ka kelellong, Bala Deuteronomi 8:7–18. Ke temoso efe eo Jehova a e fang batho ba hae moo, 'me e lokela ho bolela'ng ho rona kajeno?**

---

Sheba se neng se tla ba tlela ebang ba tepahalla Jehova. Ha se hore ba ne ba tla ruoa lefate le nonneng le letle feela, “Lefate leo o tla ja bohobe ho lona, ho se tlala, 'me o keke oa hloka letho ho lona” (*Deut. 8:9*), empa ba tla hlhohonolofala haholo feela naheng eo: mehlape, gauta le silefera, le matlo a matle. Ke hore, ba tla fuoa menono eohle e hlokehang lefatšeng lena.

Empa ebe, ho etsahalang? Ba tla tobana le kotsi e lutseng e tlišoa ke maruo a lefatše, ea ho lebala hore e n'ele le Jehova “Ea ba fang matla a ho ruoa lintho tseo” (*Deut. 8:18*).

Mohlomong eseng qalong, empa ha lilemo li ntse li roalellana 'me ba e na le maruo ohle ao b'a hlokang, ba tla lebala moo ba tsoang, ba lebale tseo Molimo o ba fetisitseng hara tsona “nahathote eane kaofela e kholo e tšabehang” (*Deut. 1:19*), e, ruri, ba nahana hore ke bohlahe le litalenta tsa bona tse neng li ba etsa hore ba atlehe hakaalo.

Sena ke sona seo Jehova a neng a ba lemosa khahlanong le sona hantle (ka bomali-mabe, haholo ha motho a bala Baporofeta ba kamorao ho moo, ke sona se etsahetseng hantle).

Ka hona, hara ho nonopela hona, Moshe o ba bolella hore ba hopole hore ke Jehova feela ea ba etselitseng sena, le hore ba se thetsehe ke litl'hohonolofatso tsa maruo tseo a ba fileng tsona. Makholo-kholo a lilemo kamora moo, Jesu ka sebele o ile a ba lemosa, ka setšoantšo sa mojali, ka “ho thetsa ha maruo” (*Mar 4:19*).

**Ha ho khathele hore na re kaba le chelete e ngata le maruo hakae mona, re nama le mali tse lebeleletseng ho kena ka mokoting o fatše. See se lokela ho re ruta'ng malebana le kotsi tse tlišoang ke maruo, ka hore maruo a ka etsa hore re lebale thoko ea rona ea Molimo o mong feela ea ka re ntšang mokoting oo o fatše?**

## Hopola Hore u Bile Lekhoba

**Bala** Deuteronoma 5:15; Deuteronoma 6:12; Deuteronoma 15:15; Deuteronoma 16:3, 12; le Deuteronoma 24:18, 22. Haele hantle, ke sefe seo Jehova a neng a batla hore ba se se lebale, hobaneng?

---



---

Joalokaha re se re bone, hohle Testamenteng e Ncha, Morena o lutse a khutlisetsa likello tsa batho morao ho Exoda, pholoso ea bona ea mohlolo, e entsoeng ke Molimo h'a ba ntša Egepeta. Ho fihlela kajeno, likete-kete tsa lilemo kamora moo, Bajude ba ile ba boloka mokete oa Paseka, sehopotso sa seo Jehova a ba etselitseng sona. “Etlare ha le fihlile lefatseng leo Jehova a tlang ho le nea lona, kamoo a le baletseng kateng, le tle le boloke mokhoa ona. Etlare ha bana ba lona ba le botsa, ba re”: le lekanyang ka ketso ena na? Le tlare ho bona: ke sehlabelo sa Paseka ea Jehova, kamoo a kileng a feta matlo a bana ba Iseraele Egepetsa kateng, mohla a otlang Baegepeta 'me a sireletsa a rona” (*Exod. 12:25–27*).

Ho kereke kajeno, Paseka ke letšoao la topollo eo re e fumaneng ka Kreste: “Hobane Paseka ea rona, Kreste, e hlabetsoe rona” (*1 Bakori. 5:7*).

**Bala** Baefese 2:8–13. Seo balumeli b'a ba balichaba ba biletsoang ho se lumela ke sefe? Se tšoana joang le seo Baheberu ba bolelloang ho se hopola ka bukeng ea Deuteronoma?

---



---

Paulosi o ne a batla hore batho bana ba hopole seo Molimo a ba etselitseng sona ka Kreste, seo a ba pholositseng ho sona, le seo joale ba nang le sona ka baka la mohau oa Molimo ho bona. Joaloka bana ba Iseraele, e n'e se letho la bona le ba etsang betere pela Molimo. Empa, e n'e le mohau oa Molimo feela, oo ba o fuoeng, leha e n'e le “balichaba litšepisong tsa selekane,” sena ke sona se ba entseng seo ba leng sona ho Jesu Kreste.

Hore na ke Bajude lehoatateng, Bakreste ba Efese, kapa Baleti ba Bolokang Letsatsi la Bosupa kae kapa kae lefats'eng, ho bohlokoa ha kaakang ho rona ho lula re hopola, re se lebale, seo Morena a re etselitseng sona ka Kreste! Ha ho makatse, ka hona, hore e be re na le mantsoe ana: E ka ba hantle ha re nka hora letsatsi le leng le le leng re nahanisisa ka bophelo ba Kreste. Re lokela ho bo nka karolo ka karolo, 'me re tlohele menahano ho bona ketsahalo ka 'ngoe, haholo holo tse qetellang, ha re tsepamisa maikutlo sehlabelong se se holohali seo a re etselitseng sona, tšepo ea rona ho eena e ka se thekesele, lerato la rona le tla hola, 'me re tla tlala moea oa hae ho feta.”—Ellen G. White, *The Desire of Ages*, Leq. 83.

**Ho Ithuta ka Botebo:** “Khalefo ea Molimo e kholo ha kaakang, mohau oa hae o moholo ha kaakang bathong ba hae ba entseng liphoso ka ho beha mookoli o motle marung e le selekane sa hae le motho! Molimo o phatlalatsa hore ha a bona mookoli, o tla hopola selekane sa hae. sena ha se re a ka lebala; empa o buoa le rona ka puo ea rona, hore re mo utloisise betere. Sepheo sa Molimo e ne le hore re le bana ba meloko ea morao-rao, re tle re botse se boleloang ka mookoli o marung, batsoali ba bona ba ne ba tla ba phetela pale ea moroallo, ba ba bolelle hore Mookameli ea Phahameng o kobile mookoli 'me a etsa mola marung e le tiisetso ea hore metsi ha a sa tla hlola a tla la lefatše. Ka hona, mookoli o tla lula o paka lerato le halalelang ho batho e be e matlafatse tšepo ea hae ho Molimo.”—Ellen G. White, *Patriarchs and Prophets*, Leq. 106, 107.

Ho tloha qalehong ea Bokreste, ha ho e-so ka ho e ba le kereke e iketlang ka maruo joalokaha kereke e etsa linaheng tse ling tsa lefatše kajeno. Potso ke hore, see *se bilets'ang*? Ruri menono e joalo e na le khahlamelo semoeeng sa rona—'me e ka se be e ntle. E ka ba ntle joang? Ke neng e kileng eare ha re nonopetse ke maruo eaba re tlaloa ke moea oa ho inehela kahohle-hohle le ho intša sehlabelo? Hangata, ho etsahale ho fapaneng: ha batho ba atleha haholo, ba itšepa bo bona ho feta, 'me ha sa tsotella Molimo haholo. Maruo le katleho, leha e le ntho tse ntle, li tla le maraba a mangata a semoea.

### Lipotso tsa ho Qoqa:

- ① Buisanang ka potso ea hore na ke ke joang borui (bo ka fapanang; ke hore motho ea nkuoang a se moruo naheng ea habo a ka nkoa e le moruihali naheng e 'ngoe) le kamoo bo nang le tšusumetso semoeeng sa rona. Ke ka litsela life “ba nang le chelete” ba ka itšireletsang ho tse ling tsa kotsi tsa semoea tse ka tlišoang ke leruo?
- ② Ka sehlopheng, buoang ka iketsahalo tsa ho qetela bophelong ba Krete, le hore na li re bolell'ang ka lerato la Molimo ho rona, 'me ke hobaneng re sa lokele ho lebala lerato leo le ka mohla? Tse ling tsa lintho tseo u ka li nahanang tse bontšang botle ba Molimo, 'me ke hobaneng re lokela ho lula re beile 'nete ee ka likelellong tsa rona?
- ③ Leha borasaense ba bang ba re ha ho e-so ka ho e ba le moroalloa oa metsi oa ka lefatše lohle, ho sa natsoe hore Bible e re e bile teng (le mookoli), ba bang ba re ha ho e-so ka ho e ba le tlholeho ea matsatsi a tšeletseng, leha Bible e re e bile teng (le Sabatha ea letsatsi la bosupa ho ba sehopotso sa eona). See se lokela ho re bolell'ang malebana le kamoo khahlamelo ea moetlo e ka bang matla kateng, le ho ba mpe kateng tumelong?